

QUESTIO MEDICA.

Quodlibetariis disputationibus manè discutienda in Scholis Medicorum, die Jovis 16. Novembris.

M. LUDOVICO DE VAUX, Doctore Medico, Præside.

An alterum circuitus sanguinis organum, Pulmo?

IN humani corporis fabrica ars divina, sicut & numinis existentia, immensitasque velut oculis obverfantur. Isthæc enim undè? nisi ab eo cui vis *παρα ποικίλη*, tot instrumentorum aptata corpori supellex, & apparatus organorum, quæ cum servant inter se se figuræ, sitûs ac cohesionis modum, ut semel mota vi prioris impetûs impressi, juxta intentum ipsius artificis scopum moveri non desinant, quandiu non obstant præfixæ motuum leges, statque constans tam præstantis operis æconomia. Non ineptè olim artificiosa hæc hominis compages hujus orbis universi velut exemplar ac epitome, *μικροκόσμος* dicta, ex solidis fluidisque resultat partibus, quatenus his immensam terrarum molem, illis rapidissimos undarum cursus adumbret: ac sicut ex æquore prodeunt limphæ, quæ per cæcos terræ meatus ad singulas appellunt regiones, populi ut aquæ dividantur; hinc scaturigines, fontium qui primum in rivulos coeunt, mox confluent in flumina, quæ tandem mari perpetua solvunt vectigalia: Non impari omnino ratione in humano corpore cor sanguinis promptuarium arteriarum ductu, sanguinem in universas corporis partes diffundit; hinc de venis capillaribus in furculos migrat, qui posthæc in ramos coeunt, hi demum in truncum conflunt, qui in humanum æquor præceps agitur. At enim quid sanguis? Variæ figuræ particularum congeries mercurii, salis, & sulphuris, si chimicos audis; globulorum aliorumve figuræ quadrilateræ corpusculorum, si phisicos; bilis est, pituita & melancholia, si Medicos. Si quidem reditus sentiunt: ludunt quippè alii in verbis. Ex quatuor in unam coeuntibus molem humoribus, sanguis, qui itque reditque viam assidue, ex quo unicuique parti, ipsique vitali flammæ continuè deflagranti alimentum suppeditatur, quod jacturam reparet perpetuò effluentis.

SANGUINEM moveri in orbem jam pridem notum; at circuitus hujus causas, quis aperiet? Ut potè cujus (instar nodi gordiani) nec principium finire appareant, non secus ac si quis primum circuli punctum designare vellet. Quantumvis abstrusa res videtur, cor circuitus principium, princepsque organum, nil vetat asserere. Id quippè muneris intestino cruoris particularum motui, tum ejusdem molis jugi ex loco in locum fluxui acceptum est referendum; utrumque cor efficit. A corde enim intestina particularum sanguinis agitatio, ut & totius molis impulsio. Varia sanguinis principia inter se se colluctari ac fermentescere apta perenni cordis motu liberiores ad se movendum nixu exerunt, dum ea, quibus plus satis intrincantur, mixtionis solvuntur repagula, attrituque inertes, & minus subactæ particule evehuntur in ejus sinibus, quæ sic evectæ, & sui juris factæ quoquò versum tendunt, aliæ in alias mirâ motuum pernicitate impingunt, totamque exagitant sanguinis molem. Ut ut partium insensilium fermentationem, sic & molis impulsione cor promovet: Machinæ enim Hydraulicæ instar, sanguinem per aptatos utrinque ad ejus ostia vasorum tubulos validâ ac forti impulsione extremas usque ad corporis partes propellit, qui cum præ subsequente semper à tergo, sua relegere vestigia nequeat, per alias, quas subindè sibi facit vias remigrare ac refluerè ad cor necessum habet, novam ibi perfectionem adepturus.

PULMO quod cceptum à corde, hoc ipsum opus perficit; circuitum sanguinæ molis adjuvat, quatenus vini addit sanguini, motumque fermentationis, & impulsione impetum adaugat. Pulmonum substantia non carnosa, sed ex tenuissimis compacta membranis, quæ extensæ & sinuatae infinitas propè vesiculas orbiculares efformant, ad quas pari ramificatione confociata appellantur vasa, arteria, ductus trachealis & vena. Sanguis à dextro cordis sinu per arteriam vehitur in pulmones, quorum substantiam trajicit, ibique reciproco sistoles, & diastoles motu vesiculis sic tanquam molendinis ac pistillis diverberatur; vesiculæ enim, dum præterlabente in vasis sanguine premuntur, proprio fibrarum, quibus texuntur robore, in sanguinem resiliunt, contundunt particulas ejus crassiores & minus subactas, chilum cruori assimilant, utrumque exactè & per minima miscunt; totus & exinde repuerascit liquor, ex viscido fluxilis, ex fœculento defœcatus, ex inerti vegetus evadit, nec non ultimum elaborationis gradum videtur consecutus. Quamvis vitalis succi moleculis pulmones impertiantur mobilitatem, satis indicat vitiata eorum textura. Sicubi illa, vel præ fucitate tabescit, aut ulcere depascente sensim absumitur, tum vires corporis exolutæ extremas emorients igniculi scintillas emittunt, ac sub crassiorum mole particularum obruta penè extinguitur flamma vitalis.

QUAM sanguini vim tribuant pulmones, hæc potissimum ab aëre profecta, cujus necessitas tanta, ut uno vel momento hocce impunè vivens carere nequeat. Aër terræ globo circumfusus ex minutissimis tertii elementi particulis secundo velut innatantibus, & ex omnis generis corporum effluviis conflata moles, sale abundans nitroso bronchiorum permeat ductus, & insensiles subit vesicularum meandros; cruori nitrum (ut pote aëris pars subtilior) confunditur, quo de novo accenditur, sitque vegetior. Non secus ac si sulphuri nitrum adjiciatur in nitidiorem flammam erumpit, quod apprimè videas in sanguine recens in matulâ effuso: Si namque partem illam sanguinis, quæ rubicunda apparet, detrahas; ipsi subiecta antè fœculantior, mox rubicundior conspiciuntur. Quæ verò solidiores, ac graviores aëreæ partes suo pondere & eâ quâ pollent elasticâ virtute vasa artius premendo, sanguinem pellunt, quibus tot ab aëre, vesiculis, bronchiis, impulsione vicibus tota sanguinis moles ex pulmone, in ventriculum cordis sinistrum concitatori cursu pellitur.

HINC liquet quàm longè à veritatis tramite deflectant ii, qui pulmones sic à naturâ institutos censent, ut respectu cordis flabelli munere defungantur, ad contemperandum ipsius ardorem: Quin imò diffatione magis ac magis incallescere sicuti carbonem perflati ardentius urunt; nec tanta esset in brevi morituris spirandi necessitas, quæ duplè major existit, dum mors stat in procipectu: Quemadmodum flamma mox desitura extremo veluti conatu in majorem assurgit molem. Quem ergo præstant in respiratione pulmones usum? Intestinum in sanguine fermentationem, ejusdem suo in circuitu accelerationem promovent. Hinc est quod natura sagax & provida singulis viventibus, quibus perennis succi vitalis circuitus, propria adaptavit organa, quibus aërem hauriant; plantis insective tubulos, *respirantia* nomine donatos, piscibus branchias, cæteris animalibus pulmones. Quin & terra quibusdam meatibus instruitur, quorum auxilio advectas aëris particulas excipiat & in sinu suo foveat, ex quo germinationum incrementa maximè pendunt. Nec obset, quod foetus in utero non spiret, si quidem donec uteri ergastulis continetur, respiratione non egeat, vicemque pulmonis gerat placenta mitis ac blandi, quo alitur sanguinis officina, quod & alia sit ad circuitum organorum structura.

Ergo alterum circuitus sanguinis organum, Pulmo.

DOMINI DOCTORES DISPUTATURI.

M. Michaël de Hodenq.
M. Pontius Maurin.
M. Franciscus Maillard.

M. Joannes Poisson.
M. Jacobus dei Prez.
M. Renatus Chanvel.

M. Michaël de la Vigne.
M. Petrus Perreau.
M. Bertinus Dienxvoye.

Proponebat Lutetiæ CLAUDIUS BURLET Bituricus, Baccalaureus Medicus. A. R. S. H. 1690.

